

**BOSNA I HERCEGOVINA
FEDERACIJA BOSNE I HERCEGOVINE
ZAVOD ZDRAVSTVENOG OSIGURANJA
ZENIČKO-DOBOJSKOG KANTONA**

**Broj: 06-45-9457-6/24
Zenica, 18.07.2024.godine**

Na osnovu člana 70. Zakona o javnim nabavkama ("Službeni glasnik BiH", broj: 39/14 i 59/22), Otvorenog postupka javne nabavke kompjuterske opreme broj: 06-45-9457-2/24 od 28.05.2024.godine, Izmjena tenderske dokumentacije broj: 06-45-9457-3/24 od 13.06.2024.godine, objavljenom na portalu javnih nabavki, Obavještenje o nabavci broj: 108-1-1-30-3-36/24 od 31.05.2024.godine, Ispravka za obavještenje o nabavci broj: 108-1-1-30-8-39/24 od 14.06.2024.godine, Zapisnika o pregledu i ocjeni ponuda broj: 06-45-9457-5/24 od 18.07.2024.godine, direktor Zavoda zdravstvenog osiguranja Zeničko-dobojskog kantona, donosi

O D L U K U
o izboru najpovoljnijeg ponuđača za LOT 1 – Kompjuterska oprema i licence

Član 1.

Po provedenom otvorenom postupku za nabavku kompjuterske opreme broj: 06-45-9457-2/24 od 28.05.2024.godine i broj: 06-45-9457-3/24 od 13.06.2024.godine, Ugovor za LOT 1 – Kompjuterska oprema i licence, dodjeljuje se ponuđaču Moon d.o.o. Zenica, po cijeni od 71.500,00 KM (bez PDV-a).

Član 2.

Ova Odluka se u skladu sa članom 71. Zakona o javnim nabavkama ("Službeni glasnik BiH", broj: 39/14 i 59/22), dostavlja ponuđačima koji su učestvovali u postupku javne nabavke.

Član 3.

Ova Odluka objavit će se na web-stranici Zavoda, istovremeno sa upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama ("Službeni glasnik BiH", broj: 39/14 i 59/22).

Član 4.

Ova Odluka stupa na snagu danom donošenja

O b r a z l o ž e n j e

Dana 28.05.2024.godine donesena je Odluka o pokretanju postupka javne nabavke putem otvorenog postupka za nabavku kompjuterske opreme (LOT 1- Kompjuterska oprema i licence, LOT 2- Kompjuterska serverska oprema) broj: 06-45-9457/24. Procijenjena vrijednost navedena u Obavještenju o nabavci broj: 108-1-1-30-3-36/24 za LOT 1 - Kompjuterska oprema i licence je 100.430,00 KM (bez PDV-a).

U skladu sa članom 36. stav (1) Zakona o javnim nabavkama ("Službeni glasnik BiH", broj: 39/14 i 59/22) Agenciji za javne nabavke Bosne i Hercegovine je dostavljeno Obavještenje o nabavci broj: 108-1-1-30-3-36/24 od 31.05.2024.godine i Ispravka za obavještenje o nabavci broj: 108-1-1-30-8-39/24 od 14.06.2024.godine. Tenderska dokumentacija za nabavku kompjuterske opreme je objavljena u sistemu "E-nabavke" u skladu sa članom 53. stav (2) Zakona o javnim nabavkama. Kriterij za dodjelu ugovora naveden u tenderskoj dokumentaciji/otvoreni postupak javne nabavke broj: 06-45-9457-2/24 od 28.05.2024.godine je "najniža cijena ponude".

Krajnji rok za prijem ponuda bio je: 01.07.2024.godine do 11:00 sati.

Dana 01.07.2024.godine, Komisija za javne nabavke imenovana Rješenjem broj: 06-45-9457-1/24 od 28.05.2024.godine održala je sjednicu o pregledu i ocjeni ponuda za nabavku kompjuterske opreme.

Na sjednici Komisije je konstatovano da su za LOT 1- Kompjuterska oprema i licence, ponude dostavili ponuđači: ZeMac d.o.o. Banja Luka, po cijeni od 85.215,00 KM (bez PDV-a), medIT d.o.o.

Sarajevo, po cijeni od 94.182,23 KM (bez PDV-a), ProComp d.o.o. Zenica, po cijeni od 99.604,00 KM (bez PDV-a) i Moon d.o.o. Zenica, po cijeni od 95.000,00 KM (bez PDV-a).

Na osnovu traženih uslova za učešće i potrebnih dokaza koji su traženi u otvorenom postupku javne nabavke kompjuterske opreme, za LOT 1 – Kompjuterska oprema i licence, izvršena je analiza/ocjena ponuda i konstatovano sljedeće:

-ponuda ponuđača ZeMac d.o.o. Banja Luka za LOT 1 – Kompjuterska oprema i licence, se odbacuje kao nepravilna iz sljedećih razloga:

Uvidom u ponudu za LOT 1 – Kompjuterska oprema i licence, ponuđača ZeMac d.o.o. Banja Luka, Komisija je utvrdila da tehnički dio ponude nije u skladu sa tenderskom dokumentacijom.

Tačkom 6.1 Tenderske dokumentacije je propisano da je ponuđač obavezan ponuditi i isporučiti ponuđenu robu na način da ista odgovara svim tehničkim uslovima i specifikaciji koji su navedeni u tenderskoj dokumentaciji.

Za ponuđenu opremu ponuđač je bio obavezan priložiti specifikaciju opreme (Aneks 2) te na osnovu nje popuniti „Oznaka i naziv modela uređaja koji se nudi“, stupac „Zadovoljava (DA/NE) i dokaz o podržanosti - stranica iz tehničke dokumentacije“ u tabeli.

Navedeni ponuđač nije postupio u skladu sa tačkom 6.1 Tenderske dokumentacije.

Za robu pod stavkom 3 MCF A4 Printer/Skener/kopir/fax ređaj TIP 1 ponuđen je pogrešan uređaj, odnosno umjesto crno-bijelog ispisa navedeni ponuđač je ponudio ispis u boji.

Tačkom 13. Tenderske dokumentacije je propisano sljedeće:

Ponuda se dostavlja na jednom od službenih jezika u Bosni i Hercegovini, na latiničnom ili ćiriličnom pismu. Sva ostala dokumentacija uz ponudu mora biti na jednom od službenih jezika u Bosni i Hercegovini.

Izuzetno dio popratne dokumentacije (katalozi, brošure, i sl.) može biti i na drugom jeziku, ali u tom slučaju obvezno se prilaže i prijevod ovlaštenog sudskog tumača za jezik sa kojeg je prijevod izvršen

Ponuđač ZeMac d.o.o. Banja Luka je za ponuđenu robu za LOT 1 – Kompjuterska oprema i licence, dokaz o podržanosti-stranica tehničke dokumentacije, dostavio na engleskom jeziku bez prijevoda ovlaštenog sudskog tumača, kako je propisano tačkom 13. Tenderske dokumentacije.

-ponuda ponuđača medIT d.o.o. Sarajevo za LOT 1 – Kompjuterska oprema i licence, je prihvatljiva iz razloga jer je isti ispunio uslove i dostavio potrebne dokaze koji su traženi u otvorenom postupku javne nabavke kompjuterske opreme broj: 06-45-9457-2/24 od 28.05.2024.godine i broj: 06-45-9457-3/24 od 13.06.2024.godine (lična sposobnost u smislu člana 45. Zakona, sposobnost obavljanja profesionalne djelatnosti u smislu člana 46. Zakona, Izjava iz člana 52. Zakona o javnim nabavkama, Izjava po tački 6.1. Tenderske dokumentacije).

-ponuđača ProComp d.o.o. Zenica za LOT 1 – Kompjuterska oprema i licence se odbacuje kao nepravilna, iz sljedećih razloga:

Tačkom 6.1 Tenderske dokumentacije je propisano da je ponuđač obavezan ponuditi i isporučiti ponuđenu robu na način da ista odgovara svim tehničkim uslovima i specifikaciji koji su navedeni u tenderskoj dokumentaciji.

Izmjenom tenderske dokumentacije broj: 06-45-9457-3/24 od 13.06.2024.godine, ponuđač je obavezan uz ponudu za stavke 1, 2 i 3 Obrasca za cijenu ponude za LOT 1 – Kompjuterska oprema i licence (Aneks 3), dostaviti Izjavu ponuđača kojom garantuje da je ponuđena roba nova, nekorištena i u originalnom pakovanju.

Ponuđač ProComp d.o.o. Zenica nije dostavio Izjavu traženu tačkom 6.1 Tenderske dokumentacije, odnosno umjesto tražene izjave je dostavio izjavu distributera.

-ponuda ponuđača „Moon“ d.o.o. Zenica za LOT 1 – Kompjuterska oprema i licence, je prihvatljiva iz razloga jer je isti ispunio uslove i dostavio potrebne dokaze koji su traženi u otvorenom postupku javne nabavke kompjuterske opreme broj: 06-45-9457-2/24 od 28.05.2024.godine i broj: 06-45-9457-3/24 od 13.06.2024.godine (lična sposobnost u smislu člana 45. Zakona, sposobnost obavljanja profesionalne djelatnosti u smislu člana 46. Zakona, Izjava iz člana 52. Zakona o javnim nabavkama, Izjava po tački 6.1. Tenderske dokumentacije).

U skladu sa članom 2. stav (1) tačka I) Zakona o javnim nabavkama je propisano da je ponuda: -nepravilna – koja nije u skladu s tenderskom dokumentacijom ili je primljena izvan roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Članom 57. stav (1) Zakona o javnim nabavkama ("Službeni glasnik BiH", broj: 39/14 i 59/22) je propisano da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Članom 68. stav (4) tačkom i) je propisano da je ugovorni organ dužan odbaciti ponudu koja nije potpuna i ne ispunjava zahtjeve iz tenderske dokumentacije.

Prema citiranim odredbama, da bi se ponuda smatrala prihvatljivom, mora da zadovolji sve uslove i zahtjeve iz tenderske dokumentacije, a to znači i da su dostavljeni svi dokazi/dokumenti koje je ugovorni organ tražio tenderskom dokumentacijom, i da su isti kompletni.

Ugovorni organ je shodno odredbi člana 6. Pravilnika o uslovima i načinu korištenja e-Aukcije („Službeni glasnik BiH”, broj 80/23), i tačkom 8. Tenderske dokumentacije broj: 06-45-9457-2/24 od 28.05.2024.godine zakazao e-aukciju za LOT 1 - Kompjuterska oprema i licence, dana 17.07.2024.godine u 14.00 sati.

E-aukcija je održana u zakazanom terminu.

Ponuđači: medIT d.o.o. Sarajevo i Moon d.o.o. Zenica su mijenjali iznose svojih ponuda, tokom trajanja e-Aukcije.

Konačne cijene ponuda (bez PDV-a), nakon završetka postupka e-Aukcije za LOT 1 - Kompjuterska oprema i licence, iznose:

1. Moon d.o.o. Zenica, po cijeni od 71.500,00 KM
2. medIT d.o.o. Sarajevo, po cijeni od 71.750,00 KM

Na osnovu navedenog, odlučeno je kao u dispozitivu Odluke.

POUKA O PRAVNOM LIJEKU:

Protiv ove Odluke može se izjaviti žalba, u rokovima propisanim članom 101. Zakona o javnim nabavkama ("Službeni glasnik BiH", broj: 39/14 i 59/22).

DOSTAVLJENO:

- 1x Ponuđači
- 1x Služba za javne nabavke
- 1x a/a



Omer Škaljo, prof.